

QUÆSTIO MEDICA.

Quodlibetariis disputationibus manè discutienda in Scholis Medicorum, die Jovis 18. Januarii 1714.

M. CLAUDIO BURLET, Doctore Medico Regiæ Scientiarum Academiæ Socio, Hispaniarum Regis Archiatro Præsidente.

An pluribus Hispanorum morbis Remedium efficax Balneum?

I.

HISPANIA Regio Europæ Occidentalis vastissima, quam juga Pyrenæa & utrumque mare circumscribunt. In citeriorem & ulteriorem olim divisa. Nobilis quæ fuit Romanis bellorum campus, nec infrequens post hæc Barbaris triumphus. Idem ille hodiè terrarum tractus, quem sua jamnum dividunt Regna & Provincia, unius Regis Potentissimi partum simul & hæreditarium Dominium est. Hujus imperio subjecti Populi partim aut nihil ab antiquis moribus recesserunt. Hi quoque gloriæ imprimis appetentes, constanti fide & obsequio, erecto in adversis animo, propoliti tenaces, ne tempore quidem & tædio franguntur. Callidis aptisque ad magna consilia ingenii; corpore non ita robusto nec adeò firmâ valetudine. Iisdem quibus & cæteræ Nationes, communibus morbis obnoxii, suis præterea laborant, quorum causas propriosque characteres ex Regionis situ, Populorum indole, victus discrimine, moribus, consuetudine reperas. Morborum communis in acutos & chronicos divisio est. Inter acutos obviæ febres rarò in Hispaniâ benignæ, sicuti continuæ, ut plurimum ardentes, perniciosæ, quas vernaculè *Tabardillos* nuncupant. Quanquam hoc nomine Perechiales solas, Purpuratas, & quasi libet de hac prosapiâ rectè indigitaveris, promiscuè verò putridas simplices, nec insolitas perperam. Voce enim illâ, ut Plebs ferè semper, sic etiam Medici sæpè abutuntur, & utrasque febres confundunt. Intermittentes quoque notaveris pravissimi moris, tum maxime cum in Syncopales abeunt, rarum febris alibi genus, Castellanis & Matritensibus non infuetum. Illa rigore in principio, in declinatione profusis sudoribus, Tertianæ morem utcumque imitatur: in hoc tamen multò dissimilis, quod *esp. de la f. m.*, enormi vomitu, summâ virium prostratione, contractione pulsus, extremorum refrigeratione, ni promptè succurratur, secundâ aut tertiâ accessione tollit. Variolis nec tanta illic deprehenditur malitia, ut citò, & nec cum tanto naturæ molimine erumpunt, sic facillè, & ut plurimum securè evanescent. Pleuritides, Anginæ, Tussis, Peripneumoniarum Septentrionalibus Populis familiares, & libitinæ quæstus acerbæ, Hispanis infrequentes, nec tot funcribus infames. Diarrhæa; Cholera morbus, Dysenterix ut ab iisdem producuntur causis, sic sub iisdem ætatis autumnive grassari solent temporibus; nec à nostris distant, nisi quod difficilius cedunt, & in viscerum ulcerationes sæpius transeunt. Non modò morborum acutorum in aliis quibus, sed & chronicorum dispar ratio est. Chronici vel transmittuntur à Parentibus in liberos, multò sæpius propter vitiatos luxuriâ mores, victumque inordinatum inducuntur: interdum etiam ab acutis decidui, sic ab iis tanquam

à radicibus progerminant. Inter priores venit Epilepsia infantibus utique inimica, ut & Podagra senibus. Scorbutus rara admodum mare non transcurrentibus noxa. Omnium frequentissima Venerea a lues, Hispanis non tam turpe creditum aut formidabile malum, quo quis inficitur, non raro inducias habet, non pustularum citè eruptione, ulceribus depascentibus, tantàque aliorum Symptomatum fœditate coactus, sed attenuatè magis & per... *εὐφροσύνη* fortè exhalante singulis diebus aliquà contagii porzione, quodammodo consistit, à solitis vitæ munitis vix distrahitur, causarius aut summùm quetulus, vagis lacessitus doloribus, hanc comitem sibi lucem cum pallore & macie ad senectutem usq; aliquandò perducit. De posteriorum ordine annotatione dignus peculiaris characteris affectus, dolor colicus quem de *β τριπασ* vocant. Is ratò solitarius se profert, vel febres antecedit intermittentes, vel subsequitur, nonnunquam conjunctas habet. Sensus est ventriculi tenuiūque intestinorum asperissimus & molestissimus, non mulrùm à dolore colico Pictonum abludens, sub quo adstrictior parùm rejicit alvus. Multa inflatio incililr per totum abdomen, magis quàm ab umbilico superius rendit; inest modò eructatio, modò vomitus: diuturnus admodum & qui cruciantis doloris recidivas facit morbus, remediis non facillè mirescens, in spasmos abiit & paralyfes, nec minùs parcit exteris, quàm indigenis. Ab eo aliquo recedit intervallo Melancholia, vulgò Hypochondriaca aut flarulenta dicta, communis utrique Iberis affectio, plena invenustatis, vel hoc uno dignoscenda symptomate, ventris scilicet obmurmuratione, rugitu, crebràque per os flatuum emissione. Duri glandularum collo adnascentium tumores, Broncocele, strumas intellige, quæ omnes magno negotio tolluntur, Pueris cùm frequentius accidunt, rùm adultis, aut jam senibus rariùs. Omnium rarissima aggritudo calculus est. Ictetus, Hydrops, Paraplegia, Chlorosis, Asthma, & id genus morbi Medicorum ctices, solità facie multis quoque passim in locis proferuntur: sed præ cæteris Tabes, quæ ut chronicorum ultima incumbit, sic ipsa ultimus plerumque vitæ terminus est.

II.

MORBORUM species, occurrentes in his pro divetis locis differentias, attendere non satis est. In causarum etiam ex quibus fiunt indagatione morari oportet. Nec enim rectè curabit, quem malorum origo tesellerit. Causas tamen cave ne scruteris abstrusiores nimisve reconditas, sed patentes solas & sensibus subjectas. In hoc te Medicum secernas à Philosopho merè inani & speculativo. Nec te rapiat malè caurum novorum systematum libido vesana, quæ si fortè discurrentibus aliquid attrulère subtilitatis, ac certè medentibus multò plùs reliquerunt obscuritatis. Inter hæc à quibus evidenter afficitur homo, & utraque valetudo dependet, quàm præcipuus aër, quanta & alimentorum potestas est. Aëris plùs minùsve Hesperii plagis præservida obugit & sicca constitutio, terra arida, pluribus in locis inculta, montibus aspera, egens aquarum. Alimenta proindè magis exsueca, uberiori, coque fixiori impregnata sale, corpora nimia transpiratione marcida, humore destituta sunt. Ad ea tanquam generaliora primùm attenderis, ultro in examen veniar proprius incolarum vivendi modus, ipsorum & alimentorum delectus, in quibus ut cæteræ Nationes, sic Hispani multa quoque delinquant. His ribui solet aliqua laus sobrietatis: Germanorum aut Gallorum more, non illos mensarum apparatus, non larga convivia, non pocula delectant; sed suo non minùs aberrant modo, quos juvar Chocolata & Saccharatorum usus immoderatus, quorum palato Allium, Cæpæ, fructuum crudorum, quin etiam aliorum nocentium, genus omne rantum sapiunt, cibique sine pipere & croco prorsus insuaves; qui vina sua dulcia, nec tenuia si quandò sobriè gustant, frigidò potu quotidie se prolunt, & id genus alia pro consuetudine faciunt, quæ parum

a Las Bubas, o mal Gallico quamquam immeritò, rectiùs mal Americano, quo primi omnium Hispani Europam contulerant.

b Dolor de Tripas vel Entripado.

c Berengenaz, Tomates, solanorum species.

naturæ suæ & regioni accommodata, multa secum ferunt incommoda. Ab hoc fonte morborum enumeratorum causas rectè deduxeris. Multiplici sanguinis & seri per habitum effluentis vitio à nimia aëris siccitate, vel affu, vel qualibet aliâ subitâ mutatione, nec minùs à perflantibus ventis, tribuas quiddid de genere acutorum est; non secus ac laviore eas aggritudines hyberno præferunt tempore adorientes, quas *consipitationes* & *respirandos* Vulgus appellat; Chronorum verò majori ex parte parentes agnoscas malas chyli elaborationes, congestos in ventriculo succos pravos, à quibus lenta eidem sanguini aspergitur labes, multaque visceribus damna succrescunt. Promptus ardere, inflammari, quin etiam putrescere Hispanorum cruor est, laxi facilis ventriculus. Non igitur mirum, si quæ passim invadunt febres, magis inficæ, minùs de flagrationis internæ, putredinisque expertes videantur. Non aliâ ratione tam insolitas, tamque exitiosas syncopales, non purpuratas aliter infensas judicaveris, quàm quia insignis plerumque illis putredo, aut inflammatio conjuncta est, quæ in febribus ultimus malignitatis gradus, *άδύος* nomine ipsi Hippocrati non ignotus. Effervere, inflammari, putrescere sanguinem fortè rides & explosis? Quasi verò fermentari, solvi, coagulari, præcipitari, nova id genus verba novi aliquid menti objiciant, aut plus afferant in Medicinâ claritatis. An ideò deferenda, si prius benè intellecta Veterum de febribus doctrina, quæ in distinguendâ earum causâ, notando singularum caractere tam præcipua est, medicentique non vagas, sed aliquantò magis stabiles indicationes aperit. Melancholia, stasus, Hypochondriaca passio, doloris colici pertinaces insultus, lancholia, stasus, Hypochondriaca passio, Cachexia, Tabes, tota illa chronicorum febrium inermittentium recursus, notando singularum caractere tam præcipua est, meli, num ab alio generantur principio quàm à multiplici illo mutuo errore notato? Culpanda, si benè calculum posueris, tot inde nascentia secretionum multiformis dyscrasia: Culpanda vicissim in artificiosa solidorum compage deficientia multâ ex parte instrumenta. Procul hinc nimis ibi, non à Plebeio tantum credita *α* fascinatio, quâ per corpusculorum effluvia, maxime visûs intum terrenta, contactæ infantium aut adutorum corpora tabescere, consumi tractatio est. Vetulas maleficæ hujus artis peritas, quæ domos adeunt aut per vias occurrunt, inveniri fabula est. Qui per se vel insoliti apparent, vel nimis belles affectus, summo languore infantes pariter & adultos conficiunt, à causis naturalibus dependent, Medico rerum Physicarum & Anatomicarum gnaro non latentibus. Universam morborum intelligentiam tenere potest, & eorum quæ corpori accidunt, rationem invenire, cui benè intellecta est solidarum partium structura, non ignotâ fluidarum potentia. Hæc præsertim cognitione instructus, sciverit morborum internoscere discrimina, isdem aptare remedia tantò solertius ac securius, quantò magis ad multas res, ad aëris qualitates, alimentorum vires, propriamque gentis naturam attenderit.

III.

MORBIS adhibere remedia, sanare, tota in hoc versatur medendi scientia, quæ cæterarum disciplinarum vices experta, apud varias Europæ nationes quibusdam temporibus magis, aliis minùs exulta est. Suos Hispania non à longinquo temporum intervallo, Professores habuit clarissimos, inter quos Vallesius, Mercatus, Garcia, Heredia, Bravus, &c. qui in Hippocratis aliorumve Antistitum volvendis operibus, illustrandis aut amplificandis inaximam operam posuerunt. Paululùm abhinc seu bellorum asperitate, seu metu novandis, aut quovis alio fato bonarum literarum studia deserbuerunt, & aliquis Medicinæ honos decessit. Hinc tantâ diligentia quæsitâ alibi recens inventa, segniùs cò pervenerunt, stetitque plures annos sine incremento, unis Veterum dogmatibus quasi mancipata salutatis professio. Rémediorum indicationes ut à morborum genio causisque depromuntur, sic magna illa curationum instrumenta, venæ sectio & purgatio ferè in omni morbo locum inveniunt. Exulter *αίμα φεύγει* nulla non in regione damnata illusio, humano generi exitiosa. His-

α Mal de ojo.

panis Lusitanisque sanguinem cucurbitis, Hyrudinibus, sed maximè incisâ venâ liberali manu mittere, vetus est: nec sine ratione, cui præsertim remedio potis est nimios sanguinis æstus temperare, exundantis impetus coercere, turbatos & devios humores ad secretionem componere, putredinem arcere, omni succutere inflammationi. Quibus effectis si suo tempore ac modo debito instituta purgatio, si rectè præscripta vivendi ratio accesserint; febrium contentium vehementiorumque affectuum curationis pars maxima absolvitur. In acutis purgare morbo incipiente, ultra Pyrrheneos montes consuetum, sed *minorativis*, ut loqui amant purgantibus, quibus primâ eluantur sedes. Mochlicis aut Valentioribus uti remediis rarissimum. Timidi & diffidentes medentium plerique abhorrent à stibio quod non norunt, quidam illius pavent nomina, effectum reformidant, necdum antiquum illis præjudicium excussum est. Sua licet Hispanorum scior ardensque constitutio calidiora vetat aut nimis activa remedia; non infrequentes arramen casus, ubi vel nimia scaten illuvie sthomachus succuti debet, vel nurgens humor effusus, omnisque incapax coctionis fortem requirit & citam evacuationem. His diebus quot Milites Hispanos Emeticorum beneficio servatos in caltris vidimus, quot in urbe Plebeios, quos vulgaris & meticulosa medendi ratio non attigisset? De victus autem ratione sic cogites, multum ibi deflexum esse à vultus alendorum febricitantium legibus tanto seculorum spatio servatis, quæ Pritisanas unas, paratasque ex concoctis cerealibus sorbitiones ægris decernebant. Nunc verò, nec ultra centum annos, carnum iusculis uti mos invaluit, vicinatum Gentium exemplo. Quodque Hispanis maximè proprium & novum est, non ab usu Chocolatæ, non à Gallinacæ aut Vervecinæ carnis elixæ ac comminutæ, quasi hoc leve putant alimentum, comestione, nisi gravissimis Patocisimorum temporibus abstinere consueverunt. Quantò magis delinquit Medicorum quorundam vulgus, dum in summo febrium æstu omni porione interdicit, ne aut intendatur, aut protæletur febris. Quatenus adjectâ novæ humiditatis copiâ, nativus calor infringitur, materia febrilis augetur, ejusdem coctio præpeditur, crises retardantur, &c. Quotum falsa illa & damnosa traditio, quam absurda ratiocinia & aliena à Medico, qui caloris naturam sanguinis fluxilitatem, necessariam salium attemperationem, corporis denique æconomiam noverit! Vetterum suffragio, experientia, naturæ ipsi peraquè repugnant. Nec certè minus est, cum tanto rigore febricitantibus potum negare, quam tortoris vicem exhibere. Novæ Chymicorum opes, quibus luxuriat ætas nostra, *volatilia*, *sudorifera*, *digestiva*, *absorbentia*, *Timelura*, *Quinta-essentia*, *Panacea*, &c. vix horum aliqua huc usque pervenire, aut fidem apud Medicos potuerunt invenire, utpotè actiora illa, aut evecta nimis, immanes turbas in sanguine, ebullitionesque movere apta nata: plurima quoque multò plùs artis ostentationi, quàm agrorum utilitati inservire credita. De *specificis* longè alia opinio percrebrescere jam cœpit. Unum omnium instar, corticem Peruvianum intellige, Palmarium illud remedium, auro ipso, cui & idem natale solum est, pretiosius, quod primi omnium Hispani advexerunt, omnium ultimi commendarunt, meritisque exornantur laudibus. Huic celerrima nec minùs secura vis est ad profligandas febres non intermittentes solas. Compendiosa certè & admirabilis Medicina, quæ ab omnis generis febrium tyrannide Hominum millia liberavit. Non unus illius exhibendi modus, non unica virtus febris-fuga. Peritioribus cum *Purgantibus*, *Dia-phoreticis*, *opiatis*, &c. admiscere, illius vires consociare notum est. Quo pacto flatulentis dolore colico vexatis, *anæmici* laborantibus, *hypochondriacis* plurimum prodesse usus quoque didicit. Multa alia in usum medicum venire solent remedia. Sed nulla certè pluribus morbis ipsique Gentis naturæ accommodatio-
ra, quàm Diluentia, Humectantia, Attemperantia, inter quæ cæteris longè præstare, omniumque efficacissimum esse Balneum, vel leviter attendenti patet.

BALNEI nomine corporis in aquâ vel naturâ vel arte calefactâ lavatio intelligitur, cujus quidem usus antiquissimus est; non ignotus Hebrais, vel hoc ipso de famosissimâ Bethsabe, deque pudicissimâ Susannâ Sacrarum Litterarum testimonio. Populis Orientalibus, atque omnibus ferè Asiaticis, maxime verò Græcis, deinde Romanis olim familiarissimus. His non modò ad curandam citem, firmandam valetudinem, sed ad morborum etiam depulsionem magni putabatur momenti. Quocirca non privata tantum, sed & publica ferè ubique in Latio, subjectisque Imperio Romano Provinciis magnâ sumptuum erogatione Balnea construebantur: quibus & Thermarum, sic ubi sponte & calida fluebant aquæ, nomen promiscuè impositum. Hæc religiosè, imò à multis quotidie, tanquam munera Deorum frequentabantur. Mirum quòd nunc pœnè exoleverit id consueta lavationis genus, suave quoddam, nec injucundum vitæ cibique quotidiani condimentum, planèque in medicinale usus abierit. Per Balneum quo vix jam aliter quàm remedio utimur, tepefactæ & dulcis aquæ salum intellige, ubi quotidie semel aut iterum diutius & quietè continetur ager. Quod si ab imis tantum pedibus, vel feminibus usque ad umbilicum, ita ut supernæ partes non madescant, semicupium nuncupari solet. Balnei dotes eximie, quas ab ipsis aquæ viribus repetas. Aqua moleculis constat teretibus plurimâ aëris portione foetis, flexibilibus, glabris, undulatâ motione perenniter agitatis. His se se insinuare, cujuscumque figuræ poros subire, permeare, salum quoque compagem solvere, vim eorum obtundere datum est. Is igitur tepentis aquæ primùm concipitur effectus. In patentem undequaque corporis habitum illius impingunt particulae, cutis aperiunt spiracula, hærentia subtrahunt à perspiratione aut sudoribus effluvia detergunt. Inde verò caloris quem secum vehunt & à corpore mutantur, adminiculo, foris aut tenuissimi vaporis in modum penitiùs subeuntes vasorum ostiola subingrediuntur: quo pacto intimos usque pervadunt corporis recessus, sanguinis & lymphæ quibus se committunt, intervntu utrique acorem mulcent, fluorem impertiunt. Quid plura! Posito quod vero proximè accedit, ex solidorum libero elatere, fluidorumque obsequenti fluxilitate, sanitatem ac vitam majori ex parte pendere, fibrarum quandam rigiditas, qualis in pluribus morbis occurrit, Balnei humectatione tollitur, impacta glandulis durities mollior. Unde oscillationis fibrillis motus restituitur, succi comminui, præterfluere minùs indociles fiunt & ad secretionem paratiores. Nec si juvant interdum aliâ prorsus ratione juvant, quæ hic extrinsecus pluribus in morbis applicari remedia, nondum in desuetudinem abiit. Qualia sunt recens mactati Vervecis a omenta Epigastricæ regionis, raso capiti aut plantis pedum Hyrundinum & Columborum pulli calentes, plurima vel oleorum, vel coctarum herbarum fomenta, ipsamet usque ferè quotidiani Vesicatoria, quorum aliis particulae molles, aliis activæ, tenues, pororum cutaneorum apertione si quando se insinuant, non calorem internum foras attrahunt, non malignas corruptorum humorum expirationes ad ambitum evocant, quoniam admodum discurrerant. Antiquiores, sed ex meliùs intellectâ corporis Mechanicâ, tensivum fibrarum tonum laxando, membranis molliorem impertiendo, toti solidorum compagi alternos contractionum & vibrationum nifus adjuvando, tardatos succorum gressus incitare, eorum subactionem promovere utcumque possunt. Quanto majora sunt & tutiora ex Balneo petita auxilia in his præcipuè morbis quorum non celer impetus, ubi de liberationi & mutationi remediorum tempus patet, quibus ut plurimum comes obstructio lenta, crassamentum sanguinis non tam fictitia proles, Hispanis longè quàm aliis communior labe. Si dubitas, delineatos à nobis affectus, causasque reminiscere, attende ad sicciorum qui non paucis quasi natus est, habitum, ad colorem cutis ictero proximum. Non te prætereas aëris jugiter inspirari calori juncta tenuitas, crassior alimentorum substantia, quæ omnia laudabilis in sanguine humiditatis defectum arguunt, adusta indicant humoris

* Redanos appellat.

biliosi recrementa, fecunda totidem infarctuum in vasis, in glandulis obstructionum semina. Varias ab his causis contingere corpori obstructions, nemo oculatus negaverit. Quæ vix sensum effugiant in statu naturali glandulæ complures, quæ vix microscopii ope deteguntur Glandulæ. Molles, in memoratis affectuum generibus duræ, schirrosæ, pisorum magnitudine conspicuæ præbentur. Morborum sint ne fecuræ, an parentes quorsum tam sollicitæ querere? Cum morbus ipse & causa morbi in curatione oppugnentur, utrique conjunctim debellando in aperientibus, laxantibus, &c. Medicina queratur. Glandulis quoque utrum sit peculiaris structura, sola ne Arteriarum plicatura, aut flexura, haud multum medentis interest? glandulæ agnita secretionum instrumenta, quarum modum si non bene callueris, secretiones non ideo negaveris. His non tutura sola, non succorum tenuitas sufficit. Prævia hæc sit & tanquam ad eas necessaria dispositio; effectrix insuper causa, unicuique colatorio propria accedat oportet. Abstrusum secretionum mysterium, quod non fictitia Chymicorum fermenta, nec satis fida Anatomicorum scalpella hunc usque revelarunt.

V.

MORBIS pluribus mederi Balneum, quorundam delinire symptomata; minuere aliorum fastidia, unanimis Medicorum consensus. Aliquas requirit cautiones, nec omnibus æquè convenit. Qui diuturnitate morbi nimis exhausti, aut senio jam graviore confecti, his Balneo interdicatur. Nec minùs illis quibus tenior ætas, aut pulmonum ulcere, aliquamve aliam partem interiorum abscessu tentari suspicio est. Nullis non ægris si qua adest Plethora, submoveatur. Quâ ratione in morborum principio sæpius intemperestivum, ferè semper nocivum est. Nihil remaneat febrilis æstus, quem nondum domita satis & castigata bilis aluerit; cuius relliquiæ præpostero balneationis usu ut plurimum reviviscunt, & novas turbas excitant. Alvinæ regionis tollatur omnis impuritas. Ritè demùm disponatur corpus, nec quidquam ex cautionibus & apparatu necessariò deficiat. Vesicæ & renum conducere affectibus, mitigare dolores, nulli non expertum est nationi. In hæcticâ febre, in omni viscerum ardore, aut si mavis calidâ intemperie, primas tenet, nec minùs secure quàm feliciter adhibetur. Quo titulo ad remediū proprio jure sibi vindicare potest Hispanica gens, tot siccitatis causis obnoxia, quam undique marasmi & hæctice affectionis pericula circumstant. At enim quæ alia communior marasmi species in istis regionibus occurrit, quam illa Veneræ luis comes assidua, Balneum tanto opere reformidans, à qua longè plura damna quàm commoda derivari consueverunt? Nec enim spirituum sola exolutio, majorque proinde virium debilitas sequitur, sed veluti delibutis ab aquâ tepente & in actum promotis contagii seminibus, ante non visa symptomata proferuntur: crescit & novas ipsa ægritudines vires acquirit. Hoc est quod reponunt. Sed merum credas generis ignaræ præjudiciū, aut absurdum quorundam Medicorum ratiociniū. Si cum gravioribus signis ex Balnei usu venerea mala patefiant, idcirco ne Balneo vitio statim verti debet, & culpandus illius effectus? Quodnam aliud Medici intentum est, quàm fomitem luis causam evolvere, diluere, apertiores facere, quo paratior sit ad excretionem, nec si Balneum remediū, saltem lautionis admodum necessariæ loco habueris, seu palliativam, seu radicalem morbi curationem aggredieris. Utrique auxiliares præstabit vires, in hac hydargyri, quod unicuique novimus syphylidi remedium, victores reddidit effectus, in illâ longè securiores procurabit inducias. Quæcumque ab aliâ causâ Tabes, marasmus, squallorve affecterint, his summo quoque futurum est adjumento. Blandis aquæ perfusionibus inusta partibus solidis aciditatis nota emendabitur, succos alimentitios deprædans calor acer demulcebitur. Non aliud feras de descripto dolore colico iudiciū, ubi illius causam cognoveris. Hæc ventriculi fundo, tenuibus intestinis ipsique mesenterio adhæret. Disseminatæ in his partibus glandulæ, intertexti numerosâ propagine nervorum surculi salinâ quâdam substantiâ opplentur, cujus in aëre, verius in vinis, & alimentis querenda origo est. Eò continuò allabentes succi, Bilis, succus Pancreaticus, chylus ipse vitium.

insigne contahant. Has si promptè aggritudinis causas blandotum purgantium, & diluentium usu repetito non sustuleris, si præscriptus posthàc corticis petuviani, *Martialibus*, *Nervinis* aut *opiat*is admixtus pulvis patum profecerit, præsto erit Balneum. Nec minus tertianis & statulentis affectibus, si quando contumaciores, ab iisdem, aut parvo saltem discrimine, causis foveantur. Id Balneo conseqetur, quòd molliores fiant glandulæ, diluantur sales, fluat & obsequatur humor. Sed si tanta malorum illorum pervicacia est, si soli cælique mutationi nusquam cedunt, in hoc præcipuè superstitis paralyticos, & induratorum viscerum casu frequentissimo, ad aquarum mineralium potum Thermaque tutissimè confugetis. His abundat Hispania præditiis. Felices si sua bona satis nörint incolæ, si quos aperuit Natura fontes saluberrimos, his servandis & ad utilitatem publicam componendis aliquid industriæ contulissent. Propriis suis opibus divites haud egent alienis. Aquas *a* sulphureas, *b* Nitrotosas *c* Salinas, *d* Saponarias plüs minüsve activas, *e* calidissimas, *f* Tepidiores purgantes, *g* diurethicas, ut & frigidas alias, Acidulas *b* & Vitriolicas, Aluminosas *i* ferrugineas, multis & frigidis alias, in Provinciis reperies. Sed his multà ex parte fontibus deficiunt tam necessaria agrotantibus hospitia, aliaque commoditatum genera: desideratur insuper phisicis nixa expetimentis aquarum Analysis, & quod multò potius est, virium ipsarum ex numerosâ observationum recollectione conflata cognitio. Id omne licebit prope diem consequi Regis optimi, in subditorum suorum comoda salutemque invigilantis providentiâ: sub cuius impetio Arma, Literæ, bonæ artes jamnùm vigete cœpetunt. Hoc quoque ex Regiâ benignitate spectant Medicinæ cultores, novum ipsis atque decus accessurum, nec quidquam eorum defuturum, quibus publica salus procuratur, inter quæ aquarum potus, & varia Balneorum genera tanquam utilissima & Hispanis propria remedia debere annumerati nemo non confitebitur.

Ergo pluribus Hispanorum Morbis remedium efficax Balneum.

a De Thiermes in confinio Aragonii, *de* Alhama in Regno Granatensi.

b De Teüel in Arrag.

c De Arnedillo, de Trillo in Castella.

d De Sacedon.

e De Ledesma circa Salmanticam, de Fitero in Navarrâ, de Arnedillo, de Arehene in Regno Mercor.

f De Sacedon, de Trillo.

g Del Toro circa complutum.

h De Puertollano in Campo de Calatravâ.

i Fons Bocci Burgensium Civitatis, &c.

Domini Doctores disputaturi.

M. Franciscus Aignan.

M. Jacobus Fontneau.

M. Raymundus-Jacobus Finot.

M. Philippus Bernardus de

Bordegarayo, Scholarum

Professor.

M. Michael Pichonat.

M. Franciscus Picoté de Be-
laistre.

M. Michael Ludovicus Re-
neau de la Garenne Re-
gia Scientiarum Academia
Socius.

M. Jacobus-Simon Gilles

de la Riviere.

M. Jeanes Daval.

Proponebat Parisiis CLAUDIUS-ANTONIUS RENARD, Parisinus,
Baccal. Medicus, A. R. S. H. 1714.

Ex Typographia J. QUILLAU, Typ. Jur. Lib. Univ. in via vulgò dicta *Galande*.